



?Aesea I Huia?

Insaed long Buk blong Momon, yumi ridim ol toktok blong wan man nem blong hem Aesea. Aesea i wan profet blong OITesteman. Hem i bin laef longtaem bifo Jisas Kraes i bin bon i kam long wol ia.



Aesea i bin tij abaot laef blong Jisas Kraes. Hem i bin talem se Jisas bae i tekem pis i kam long wol. Hem i tijim se Jisas bae i ded, bae Hem i laef bakegen long ded mo kambak long wol bakegen sam dei.



Handred yia i pas, Nifae i bin raetem ol toktok blong Aesea insaed long Buk blong Momon blong tijim yumi abaot Jisas Kraes. Taem we Jisas i bin visitim Ol Man blong Nifae, Hem i serem ol toktok blong Aesea. Hem i askem yumi blong stadi long olgeta. Taem yumi stadi long toktok blong Aesea, yumi save filim lav blong Sevya mo kam moa kolosap long Hem. ●

Skripja Jalenj

Ridim 2 Nifae 19:6.
?Hamas nem blong Jisas i stap insaed long ves ia?

?Wanem animol nao i kamkamaot blong soem se Tabu Spirit i bin stap long taem we Sevya i bin baptaes?

Huia nao bae i laef bakegen long ded?

Hint: Alma 11:44

Hint: 2 Nifae 31:8

Mi Save Ridim Buk blong Momon

Afta we yu ridim, kalarem pat blong pikja. Yu save ridim ol skripja ia we i go wetem riding blong evri wik long *Kam Folem Mi*:

- Wik 1:** 2 Nifae 11:2
- Wik 2:** 2 Nifae 24:3
- Wik 3:** 2 Nifae 26:23–24
- Wik 4:** 2 Nifae 32:5
- Wik 5:** 2 Nifae 9:13



Aesea i bin tijim se Jisas, Hem i "Prins blong Pis" (2 Nifae 19:6). Droem o tekem foto blong wan samting we i stap helpem yu blong filim pis. Sendem pikja blong yu i go long *!Fren!* Luk long kova long bak blong faenemaot olsem wanem blong mekem.